

CONVENIO DE COLABORACIÓN ENTRE A CONSELLERÍA DO MAR, DA XUNTA DE GALICIA, A AXENCIA ESTATAL CONSEJO SUPERIOR DE INVESTIGACIONES CIENTÍFICAS, M.P. (CSIC), A FUNDACIÓN PÚBLICA GALEGA CENTRO TECNOLÓXICO DE SUPERCOMPUTACIÓN DE GALICIA (CESGA), O INSTITUTO TECNOLÓXICO PARA O CONTROL DO MEDIO MARIÑO (INTECMAR), A FUNDACIÓN CENTRO TECNOLÓXICO DO MAR (CETMAR), A UNIVERSIDADE DE SANTIAGO DE COMPOSTELA (USC), A UNIVERSIDADE DE VIGO (UVIGO) E A UNIVERSIDADE DA CORUÑA (UDC), PARA A REALIZACIÓN DO PROGRMA DE CIENCIAS MARIÑAS DENTRO DOS PLANS COMPLEMENTARIOS DE I+D+I DO PLAN DE RECUPERACIÓN, TRANSFORMACIÓN E RESILENCIA

MEMORIA XUSTIFICATIVA

Silvia Cortiñas Fernández, secretaria xeral técnica da Consellería do Mar, **DECLARA:**

Que esta Secretaría Xeral Técnica ten previsto formalizar coa Axencia Estatal Consejo Superior de Investigaciones científicas, M.P. (CSIC), coa Fundación Pública Galega Centro Tecnolóxico de Supercomputación de Galicia (CESGA), co Instituto Tecnolóxico para o Control do Medio Mariño (INTECMAR), a Fundación Centro Tecnolóxico do Mar (CETMAR), coa Universidade de Santiago de Compostela (USC), coa Universidade de Vigo (UVIGO) e coa Universidade da Coruña (UDC) o instrumento convencional arriba referido por un período de vixencia que abrangue dende o 14 de outubro de 2022, ata o 31 de decembro de 2025.

Que o instrumento convencional ten por obxecto:

Instrumentar a concesión dunha subvención e establecer as condicións de



participación da Consellería do Mar, o INTECMAR, o CETMAR o CESGA, o CSIC, a USC, a UVIGO e a UDC no programa complementario de Ciencias Mariñas concedido á Comunidade Autónoma de Galicia polo MICIN conforme ao establecido no Acordo do Consejo de Política Científica, Tecnológica y de Innovación do 8 de novembro de 2021, no Real Decreto 991/2021, do 16 de novembro, polo que se regula a concesión directa de subvencións ás Comunidades Autónomas para financiar a realización de catro programas para a implementación dos Plans Complementarios de I+D+I coas Comunidades Autónomas, que forman oparte do compoñente 17 do Plan de recuperación, Transformación e Resilencia e na Orde da Ministra de Ciencia e Innovación do 22 de decembro de 2021, pola que se concede á Comunidade Autónoma de Galicia a subvención prevista no citado Real Decreto.

As razóns que acreditan o interese público, económico e social baséanse na necesidade de reforzar e mellorar a gobernanza da política de investigación e innovación, posta de manifesto en diversas recomendación no marco do semestre europeo

As actuacións subvencionadas atenderán ao principio de “non causar dano significativo” a ningún dos obxectivos ambientais establecidos no Regulamento (UE) 2020/852, do Parlamento Europeo e do Consello, do 18 de xuño de 20220, relativo ao establecemento dun marco para facilitar os investimentos sustentables, e polo que se modifica o Regulamento (UE) 2019/2088.

As accións específicas que se van realizar derivadas deste obxecto son as que seguen:

Pola Consellería do Mar:

A Consellería do Mar achegará ás entidades executoras do programa de Ciencias Mariñas en Galicia a totalidade do financiamento do MRR a cantidade de 6.000.000 de euros desagregados por entidades nos anos 2022, 2023, 2024 e 2025. Este



financiamento do MRR, aplicarase exclusivamente ao desenvolvemento das actuacións do plan de traballo do programa de ciencias mariñas de Galicia que se indican no Anexo II deste convenio.

Polas Entidades beneficiarias:

A presentaren con anterioridade a sinatura do convenio, as declaración e certificacións previstas na cláusula quinta do citado convenio.

A desenvolveren as actividades do convenio seguindo o establecido no Anexo I e na cláusula terceira.

Cumprir, no desenvolvemento e execución do Programa de Ciencias Mariñas, coas exixencia derivadas do Regulamento (UE) do Parlamento Europeo e do Consello, do 12 de febreiro de 2021, polo que se establece o MRR, recollidas no Anexo V do Acordo do Consello de Política Científica, Tecnolóxica e de Innovación, do 8 de novembro de 2021.

Na execución dos investimentos terán que cumprir coa normativa europea e nacional que lles resulte aplicable, e en particular coas obrigas que se derivan do Regulamento (UE) 2021/241, especialmente no relativo ao principio DNSH, evitar conflitos de intereses, fraude, corrupción, non concorrencia de dobre financiamento e cumprimento da normativa en materia de axudas do Estado.

En cumprimento do disposto no Plan de Recuperación, Transformación e Resilencia (PRTR), no Regulamento (UE) 2021/241, e a súa normativa de desenvolvemento, en particular a comunicación da Comisión Guía técnica sobre a aplicación do principio de “non causar un prexuízo significativo”. Os beneficiarios da subvencións garantirán o pleno cumprimento en todos os proxecto de investimento que deben levar a cabo no marco do programa de ciencias mariñas, do principio DNSH.

Cumprir as específicas obrigas de información en relación co financiamento pola Unión Europea da actividade subvencionada, en particular cando promovan as accións e os seus resultados, facilitando información coherente, efectiva e proporcionada dirixida a múltiples destinatarios, incluídos os medios de comunicación e o público.



Someterse ás actuacións de comprobación que deba efectuar o órgano concedente, ás de control financeiro que correspondan á Intervención Xeral da Comunidade Autónoma en relación coa subvención concedida, ás previstas na lexislación do Tribunal de contas e do Consello de contas, e de ser o caso, ao Tribunal de Contas europeo, así como da OLAF e da Fiscalía Europea, e achegar tanta información lles sexa requirida no exercicio destas actuacións.

Comunicar a Consellería do Mar a obtención de subvencións, axudas, ingresos ou recursos para a mesma finalidade que as do presente convenio, procedentes de calquera outra Administración Pública ou de entes públicos ou privados, nacionais ou internacionais, no intre en que se teña coñecemento delas.

Facilitar toda a información que lle sexa requirida pola Intervención Xeral da Comunidade Autónoma, o Tribunal de Contas e o Consello de Contas ou calquera outra instancia autonómica, estatal ou comunitaria de control.

Subministrar toda a información necesaria para que a Consellería do Mar poida dar cumprimento das obrigas recollidas na Lei 1/2016, do 18 de xaneiro, de transparencia e bo goberno.

Darlle o consentimento expreso a Consellería do Mar para o tratamento necesario dos datos relevantes deste convenio a súa publicación na páxina web da Consellería do Mar e no Diario oficial de Galicia.

Darlle consentimento expreso á Consellería do mar para incluír e facer público, a través do Portal de Transparencia e Goberno aberto e nos rexistros regulados polo Decreto 132/2006, do 27 de xullo, polo que se regulan os rexistros públicos de axudas, subvencións e convenios e sancións, os datos referidos ás axudas subvencións recibidas ao abeiro do presente convenio

Seguir as normas sobre protección de datos

Cumprir co disposto no artigo 11 da Lei 9/2007, do 13 de xuño, de subvencións de Galicia.

Achegar os informes e documentos que acrediten o desenvolvemento das actividades do presente convenio, así como os informes e demais documentos requiridos pola Consellería do Mar



Proceder ao reintegro, total ou parcial, dos fondos percibidos e máis os xuros de mora devengados dende o momento do pagamento da subvención ata a data na que se acorde a procedencia do reintegro, no suposto de incumprimento das condicións establecidas para a súa concesión.

A sinatura deste convenio comportará a autorización á Consellería do Mar para consultar a certificación que deban emitir a Axencia Estatal da Administración Tributaria, a Tesourería Xeral da Seguridade Social e a Consellería competente en materia de Facenda da Xunta de Galicia.

Destinar os bens subvencionados ao fin concreto para o que se concedeu a subvención. No caso de bens inscribibles nun rexistro público, deberá facerse constar na escritura esta circunstancia.

Manter un sistema de contabilidade separado ou un código contable adecuado que facilite unha pista auditoría apropiada en relación con todos os gastos correspondentes cos investimentos realizados.

Custodiar e conservar a documentación da actividade financiada polo Mecanismo de Recuperación e Resilencia. Neste sentido, os perceptores da axuda deberán conservar os documentos xustificativos e demais documentación concernente ao financiamento, en formato electrónico, durante un período de cinco anos a partir do pagamento do saldo final. Este período poderá ser de tres anos se o financiamento non supera os 60.000 euros.

Todas as entidades deben aplicar e exixir medidas antifraude, así como cubrir as oportunas DACI: Declaración de ausencia de conflito de intereses.

Que o instrumento convencional que se pretende asinar fundaméntase no seguinte:

A Consellería do mar é o órgano da Administración galega ao que lle corresponden as competencias en materia de ordenación e o fomento do sector pesqueiro, marisqueiro, acuícola e de transformación dos produtos do mar no ámbito de Galicia,



de acordo co establecido no Estatuto de Autonomía para Galicia e segundo os termos sinalados pola Constitución Española, sen prexuízo das competencias que lles poidan corresponder aos outros organismos da comunidade Autónoma.

Segundo o establecido no Decreto 50/2021, do 11 de marzo, polo que se aproba a estrutura orgánica da Consellería do mar (D.O.G. núm. 58, do 26 de marzo), correspóndelle a esta Consellería a investigación mariña e a coordinación, programación e execución das actividades de divulgación e de transferencia tecnolóxica nas comunidades pescadoras e litorais, así como a programación, supervisión, realización e difusión de publicación e doutro material científico e didáctico.

O CSIC de conformidade co artigo 47 de Lei 14/2011, do 1 de xuño, da Ciencia a Tecnoloxía e a Innovación, é un organismo público de investigación (OPI), adscrito ao Ministerio de Ciencia e Innovación, a través da Secretaría Xeral de Investigación, que ten por obxecto o fomento, a coordinación, o desenvolvemento e a difusión da investigación científica e tecnolóxica, de carácter multidisciplinar, co fin de contribuír ao avance do coñecemento e ao desenvolvemento económico, social e cultural, así como á formación de persoal e ao asesoramento e entidades públicas e privadas nestas materias

O CSIC está constituído como axencia estatal, e na dita condición, réxese polo establecido nos artigos 108 bis e 108 sexies -introducidos pola Lei 11/2020, do 30 de decembro, de Orzamentos Xerais do Estado para 2021-, da Lei 40/2015, do 1 de outubro, de Réxime Xurídico do Sector Público. Tamén se rexe polas disposicións do seu Estatuto, aprobado por Real Decreto 1730/2007, do 21 de decembro, modificado polo Real Decreto 202/2021, que recolle entre as súas funcións, promover e realizar investigación científica e tecnolóxica e o seguimento, a avaliación e a divulgación dos seus resultados

O CETMAR é unha fundación pública, na que exerce o seu Protectorado a Consellería do Mar, creada no ano 2001, e ten como obxectivo fomentar e executar accións para



a conservación aproveitamento responsable do medio mariño e dos seus recursos, en especial no que se refire ao litoral galego, incluíndo proxectos de investigación científica, desenvolvemento e innovación tecnolóxica.

O INTECMAR, organismo adscrito á Consellería do Mar da Xunta de Galicia, ten como obxectivo xeral, desenvolver un estrito e intensivo sistema de control sobre as características do medio mariño para darlle cumprimento formal á lexislación vixente en canto á produción de moluscos e outros organismos mariños, contribuír ao desenvolvemento de novas estratexias de explotación e comercialización baseada en ofertar produtos de óptima calidade con absoluta garantía sanitaria, desenvolver estudos de carácter científico-técnico destinados a facilitar os coñecementos necesarios para a correcta xestión dos recursos mariños e protexer e mellorar a calidade das augas.

O CESGA é unha Fundación científica-tecnolóxica sen fins de lucro, cuxo obxectivo principal é promover o coñecemento en diferentes áreas ofrecendo servizos horizontais para satisfacer intereses científicos, tecnolóxicos e de investigación. Creouse de acordo coa decisión do Goberno galego de promover servizos de apoio comúns para os esforzos de investigación realizados pola comunidade científica de Galicia. Xestiona a Rede de Ciencia e Tecnoloxía de Galicia (RECETGA), a rede de comunicacións da comunidade científica de Galicia, que presta servizos a través de máis de 30 nodos repartidos por toda Galicia. Tamén acolle o nodo rexional de Rediris, a rede académica española de banda ancha para investigación e desenvolvemento (WWW.rediris.es).

O departamento de GIS do CESGA traballou en diferentes proxectos aplicando Tecnoloxías de Información Xeográfica. Estas tecnoloxías utilízanse nunha ampla gama de temáticas todas co nexo común de traballar con información xeorreferenciada. A experiencia acumulada en máis de 20 anos de traballo, inclúen proxectos relacionados con patrimonio cultural, educación, comunicacións ou medio ambiente en estudos de impacto ambiental, xestión de recursos e descartes pesqueiros, ou documentación xeolocalizada de estudos fenomenolóxicos.



A USC, a UVIGO e a UDC son entidades de dereito público dotadas de personalidade xurídica e patrimonio propios para a consecución dos seus fins e o desenvolvemento das súas funcións, que gozan de autonomía de acordo co artigo 27.10 da Constitución e a Lei Orgánica 6/2001, do 21 de decembro de Universidades, e que teñen como fins prioritarios o fomento da investigación e a innovación, así como a transferencia á sociedade. Para o cumprimento destes fins, estas universidades manteñen relacións cos centros de investigación e con institucións culturais e sociais e promoven a celebración de convenios de investigación e transferencia tecnolóxica e de coñecemento con entidades e organismo públicos e privados, así como de traballos de carácter científico, técnico, artístico ou docente.

Para o desenvolvemento das tarefas asumidas por cada unha das entidades da Comunidade Autónoma de Galicia participantes nas liñas de actuación previstas no programa de Ciencias Mariñas e proporcionar e xestionar os fondos MRR asignados ás mestas, así como para regular as condicións e compromisos que correspondan a cada unha das partes, os intervenientes conveñen en formalizar a tales efectos o presente convenio.

E para que conste, asíñase esta memoria, en Santiago a

(asinado dixitalmente)

